

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-1374/13  
Sarajevo, 10.12.2013. godine

**Z A P I S N I K**  
**19. VANREDNE SJEDNICE DOMA NARODA PARLAMENTA FEDERACIJE**  
**BOSNE I HERCEGOVINE, održane 6. decembra 2013. godine**

Sjednica je počela u 11.19.

Sjednici je predsjedavao Radoje Vidović, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio delegate, premijera Federacije Nermina Nikšića, predstavnike Vlade Federacije, predstavnike akreditiranih medijskih kuća koji prate rad sjednice i goste.

Izostanak sa sjednice opravdali su: Dževad Rađo, Enes Salkanović, Zora Dujmović, Jasmin Smailbegović, Stipe Pelivan i Elvira Abdić Jelenović.

Na osnovu evidencije Stručne službe, predsjedavajući je konstatovao da sjednici prisustvuje 37 delegata, što čini većinu, te Dom naroda može raditi i punovažno odlučivati.

Potom se prešlo na utvrđivanje dnevnog reda.

Predsjedavajući je podsjetio delegate da je Vlada Federacije dostavila Prijedlog Budžeta Federacije Bosne i Hercegovine za 2014. godinu sa Planom razvojnih projekata Federacije Bosne i Hercegovine za period 2014.-2016. Godina, Prijedlog zakona o izvršavanju Budžeta Federacije Bosne i Hercegovine za 2014. Godinu, Prijedlog finansijskog plana Federalnog zavoda za zapošljavanje za 2014. godinu i procjena plana za 2015. i 2016. Godinu, Prijedlog finansijskog plana Federalnog zavoda za penzijsko i invalidsko osiguranje za 2014. Godinu i Prijedlog finansijskog plana Zavoda zdravstvenog osiguranja i reosiguranja Federacije Bosne i Hercegovine za 2014. godinu (konsolidovani) s prijedlogom da se razmatraju po hitnom postupku.

Nakon toga predsjedavajući je stavio na glasanje prijedlog da se Prijedlog Budžeta Federacije Bosne i Hercegovine za 2014. godinu sa Planom razvojnih projekata Federacije Bosne i Hercegovine za period 2014.-2016. godina razmatra po hitnom postupku što su delegati Doma naroda, sa 32 glasa za, uz dva glasa protiv i uz pet uzdržanih glasova prihvatili.

Predsjedavajući je stavio na glasanje prijedlog da se Prijedlog zakona o izvršavanju Budžeta Federacije Bosne i Hercegovine za 2014. godinu razmatra po hitnom postupku i na osnovu rezultata glasanja konstatovao da je Dom naroda Parlamenta Federacije Bosne i Hercegovine sa 34 glasova za i pet uzdržanih glasova to i prihvatio.

Potom su se delegati Doma naroda izjašnivali o prijedlozima da se Prijedlog finansijskog plana Federalnog zavoda za zapošljavanje za 2014. godinu i procjena plana za 2015. i 2016. Godinu, Prijedlog finansijskog plana Federalnog zavoda za penzijsko i invalidsko osiguranje za 2014. Godinu i Prijedlog finansijskog plana Zavoda zdravstvenog osiguranja i reosiguranja Federacije Bosne i Hercegovine za 2014. godinu (konsolidovani) razmatraju po hitnom postupku.

Na osnovu rezultata glasanja predsjedavajući Doma naroda je konstatovao da je Dom naroda Parlamenta Federacije Bosne i Hercegovine sa 32 glasa za i pet uzdržanih glasova prihvatio da se Prijedlog finansijskog plana Federalnog zavoda za zapošljavanje za 2014. godinu i procjena plana za 2015. i 2016. Godinu razmatra po hitnom postupku.

Na osnovu rezultata glasanja predsjedavajući Doma naroda je konstatovao da je Dom naroda Parlamenta Federacije Bosne i Hercegovine sa 36 glasova za i tri uzdržana glasa prihvatio da se Prijedlog finansijskog plana Federalnog zavoda za penzijsko i invalidsko osiguranje za 2014. Godinu razmatra po hitnom postupku.

Na osnovu rezultata glasanja predsjedavajući Doma naroda je konstatovao da je Dom naroda Parlamenta Federacije Bosne i Hercegovine sa 34 glasa za i četiri uzdržana glasa prihvatio da se Prijedlog finansijskog plana Zavoda zdravstvenog osiguranja i reosiguranja Federacije Bosne i Hercegovine za 2014. godinu (konsolidovani) razmatra po hitnom postupku.

Zatim je predsjedavajući stavio na glasanje i konstatovao da je Dom naroda Parlamenta Federacije Bosne i Hercegovine, sa 32 glasa za i uz sedam uzdržanih glasa, usvojio sljedeći:

#### **DNEVNI RED**

1. Prijedlog Budžeta Federacije Bosne i Hercegovine za 2014. godinu sa Planom razvojnih projekata Federacije Bosne i Hercegovine za period 2014.-2016. godina - hitni postupak,
2. Prijedlog zakona o izvršavanju Budžeta Federacije Bosne i Hercegovine za 2014. godinu - hitni postupak,
3. a) Prijedlog finansijskog plana Federalnog zavoda za zapošljavanje za 2014. godinu i procjena plana za 2015. i 2016. godinu - hitni postupak,  
b) Prijedlog finansijskog plana Federalnog zavoda za penzijsko i invalidsko osiguranje za 2014. godinu - hitni postupak,  
c) Prijedlog finansijskog plana Zavoda zdravstvenog osiguranja i reosiguranja Federacije Bosne i Hercegovine za 2014. godinu (konsolidovani) - hitni postupak
4. Izjašnjavanje o Prijedlogu zakona o budžetima u Federaciji Bosne i Hercegovine.

## **1. Prijedlog Budžeta Federacije Bosne i Hercegovine za 2014. godinu sa Planom razvojnih projekata Federacije Bosne i Hercegovine za period 2014.-2016. godina - hitni postupak**

Prijedlog Budžeta Federacije Bosne i Hercegovine za 2014. godinu sa Planom razvojnih projekata Federacije Bosne i Hercegovine za period 2014.-2016. Godina utvrdila je Vlada Federacije i dostavila Parlamentu Federacije radi razmatranja i usvajanja.

Predstavnički dom je na 19. Vanrednoj sjednici od 5. decembra 2013. usvojio Prijedlog Budžeta Federacije Bosne i Hercegovine za 2014. godinu sa Planom razvojnih projekata Federacije Bosne i Hercegovine za period 2014.-2016. Godina sa tri amandmana koja je Vlada Federacije Bosne i Hercegovine prihvatila na sjednici Predstavničkog doma, pa su postali sastavni dio Prijedloga Budžeta i tri amandmana koja je Predstavnički dom izglasao, a koja je Vlada Federacije prihvatila na sjednici Doma naroda, pa su postali sastavni dio Prijedloga Budžeta.

**Amandmani koje je Vlada Federacije Bosne i Hercegovine prihvatila na sjednici Predstavničkog doma, pa su postali sastavni dio Prijedloga Budžeta glase:**

### **Amandman I.**

Razdjel 16, ekonomski kod 6141 – Tekući transferi drugim nivoima vlasti – kantoni

- |                                     |              |
|-------------------------------------|--------------|
| ○ Kanton posavski                   | 5 000 000 KM |
| ○ Kanton bosansko – podrinski       | 5 000 000 KM |
| ○ Kanton srednjo – bosanski         | 1 000 000 KM |
| ○ Kanton hercegovačko – neretvanski | 1 000 000 KM |
| ○ Kanton zapadnohercegovački        | 2 000 000 KM |
| ○ Kanton 10                         | 2 000 000 KM |

### **Amandman II.**

U rashodima na Ekonomskom kodu 6143 – Tekući transferi neprofitnim organizacijama – Organizacija Fondacija Srebrenica – Potočari staviti iznos 200.000 KM, sredstva prebaciti sa razdjela Federalnog ministarstva poljoprivrede, vodoprivrede i šumarstva.

### **Amandman III.**

U obrazloženju Prijedloga Budžeta Federacije Bosne i Hercegovine za 2014. godinu, treba ugraditi dio teksta, kojim se osiguravaju mehanizmi za gender odgovoran budžet (GOB).

Na stranici 9. ispod prvog pasusa dodati slijedeći tekst:

„Vlada Federacije Bosne i Hercegovine podupire inicijativu za uvođenje gender odgovornog budžeta (GOB), unutar reforme javnih finansija, kroz programski budžet utemeljen na rezultatima. Budući da gender odgovorni proračuni prepoznaju one potrebe i afirmiraju one projekte i programe koji optimalno i istodobno realiziraju ekonomske, političke i društvene ciljeve, Vlada FBiH je u tom pravcu preduzela i određene korake:

- 2010. godine je donijela Odluku V. broj 532/10 o usvajanju Akcijskog plana za uvođenje gender odgovornog proračuna u Federaciji BiH 2010. – 2012. u pilot oblasti „Rad i zapošljavanje“ (AP GOP FBiH 2010.-2012.). Njegovim su se implementiranjem stvorili temelji za izgradnju specifičnog modela za Federaciju BiH, na način da međunarodna praksa i stečena iskustva, kao i preporuke Vijeća Europe budu primijenjene na način koji je adekvatan našem proračunskom sustavu. Ključni akteri u ovom procesu bili su Federalno ministarstvo financija, Federalno ministarstvo poljoprivrede, vodoprivrede i šumarstva, Federalno ministarstvo razvitka, poduzetništva i obrta, Federalno ministarstvo rada i socijalne politike, Federalni zavod za zapošljavanje i Gender Centar FBiH (pokretač i koordinator razvitka inicijative), dakle, institucije čiji su dokumenti politika i proračunska/fondovska sredstva u najvećoj mjeri orijentirana povećanju zapošljavanja. U trogodišnjem razdoblju implementiranja ostvaren je značajan napredak u pravcu uvođenja GOP – a u procesu upravljanja proračunom na razini Federacije BiH, kao i fondovskim sredstvima kroz pilot djelovanje u Federalnom zavodu za zapošljavanje. Pilot institucije provele su gender analize izabranih pilot programa/transfera/grantova i pravnog okvira, i u velikoj mjeri ugradile preporuke ovih analiza u relevantne dokumente. Rezultati gender analiza korisnika proračunskih/fondovskih sredstava korišteni su u svim fazama proračunskog procesa, kako bi se u uvjetima oskudnih financijskih sredstava prioriteti dali onim mjerama i programima koji daju najbolje rezultate. Učinjen je veliki napredak u praćenju podataka razvrstanih po spolu u institucionalnom planiranju i izvješćavanju, čime je stvoren preduvjet za definiranje gender odgovornih proračunskih indikatora. Konačno, Federalno ministarstvo financija u proračunske je instrukcije uvelo potrebne promjene koje sadrže zahtjeve da upućivanjem gender komponente, i izradilo upute za izradu internih procedura za planiranje proračuna s gender komponentom.
- Po zaključku Vlade FBiH, V. broj 217/13 ključni akteri implementiranja AP GOP FBiH 2010. – 2012. su izradili i novi strateški plan za nastavak razvitka inicijative uvođenja GOP u Proračun FBiH (SP GOP FBiH 2013.- 2015.), koji je Vlada FBiH usvojila donošenjem Odluke V. broj 1144/2013. SP GOP FBiH 2013. – 2015. a temelji se na rezultatima prethodne faze i utvrđenim strateškim prioritetima Vlade FBiH. U implementiranju SP GOP FBiH 2013.- 2015. sudjelovat će, pored institucija iz prve faze, Federalno ministarstvo zdravstva, Federalno ministarstvo obrazovanja i znanosti, Federalno ministarstvo okoliša i turizma i Federalno ministarstvo kulture i sporta. Implementiranje ovog dokumenta doprinjet će da odabrani proračunski korisnici u svim fazama proračunskog procesa primjenjuju načela gender odgovornog proračuna, s ciljem kontrolirane potrošnje i stvaranja preduvjeta da za uložena proračunska sredstva dobijemo najbolje rezultate i ostvarimo gospodarski rast.“

## **Amandmani koje je Predstavnički dom izglasao, a koje je Vlada Federacije prihvatila na sjednici Doma naroda glase:**

### **Amandman I.**

Na rashodima na ekonomskom kodu 6000 – Tekuća pričuva Vlade Federacije BiH umanjiti iznos za 118.000 KM i time povećati ekonomski kod 6144 – Subvencije javnim poduzećima – subvencije za RTV FBiH – podrška Vlade Federacije BiH za tehničko opremanje za iznos od 118.000 KM.

### **Amandman II.**

Sa ekonomskog koda 6144 – „Poticaj za poljoprivredu“ u iznosu od 68.500.000 KM Planom i Programom utroška, izdvojiti 1.000.000 KM za revolving Fond za žene poljoprivrednice u ruralnom razvitku Federacije BiH.

### **Amandman III.**

U dijelu Prijedloga Proračuna Federacije BiH za 2014. godinu namijenjenog za grant sredstava kojim se diskreciono raspolaže u okviru slijedećih funkcija:

- Predsjednik Federacije BiH
  - o Tekući transferi drugim razinama vlasti: 40.000,00 KM
  - o Tekući transferi pojedincima: 48.000,00 KM
  - o Tekući transferi neprofitnim organizacijama: 112.000,00 KM
- Dopredsjednici Federacije BiH:
  - o Tekući transferi pojedincima: 60.000,00 KM
  - o Tekući transferi neprofitnim organizacijama: 90.000,00 KM
  - o Tekući transferi drugim razinama vlasti: 42.500,00 KM
  - o Tekući transferi pojedincima: 42.500,00 KM
  - o Tekući transferi neprofitnim organizacijama: 65.000,00 KM
- Premijer Vlade Federacije BiH
  - o Tekuća pričuva premijera: 150.000,00 KM
- Dopremijeri Vlade FBiH
  - o Tekuća pričuva dopremijera 1: 80.000,00 KM
  - o Tekuća pričuva dopremijera 2: 80.000,00 KM
- Predsjedatelji domova Parlamenta Federacije BiH
  - o Tekući transferi pojedincima – Predsjedatelj Doma naroda: 30.000,00 KM
  - o Tekući transferi neprofitnim organizacijama – Predsjedatelj Zastupničkog doma: 30.000,00 KM
- Potpredsjedatelji domova Parlamenta FBiH
  - o Tekući transferi neprofitnim organizacijama – Potpredsjedatelj Doma naroda: 15.000,00 KM
  - o Tekući transferi neprofitnim organizacijama – Potpredsjedatelj Doma naroda: 15.000,00 KM
  - o Tekući transferi neprofitnim organizacijama – Potpredsjedatelj Zastupničkog doma: 15.000,00 KM
  - o Tekući transferi neprofitnim organizacijama – Potpredsjedatelj Zastupničkog doma: 15.000,00 KM umanje se za 50%. Razlika tih sredstava se raspoređuje na ekonomski kod 6143 – Tekući transferi

neprofitnim organizacijama – Transfer za razvitak institucija znanosti i poticaj NIR od značaja za Federaciju BiH.

Tom prilikom Predstavnički dom je usvojio i Zaključak.

Amandmane na Prijedlog Budžeta Federacije Bosne i Hercegovine za 2014 godinu podnijeli su: Mustafa Kurtović, Vesna Nemic-Klisura, Daliborka Milović, Ivo Tadić, Tomislav Mandić, Adnan Jupić, Almedin Aliefendić, Slobodan Tomić, Luka Faletar i Mirko Batinić.

Prijedlog Budžeta Federacije Bosne i Hercegovine za 2014 godinu obrazložio je premijer Federacije Nermin Nikšić.

Izveštaj Odbora za obrazovanje, nauku, kulturu, sport i pitanja mladih obrazložio je Bransilav Crnogorac, predsjednik Odbora.

Izveštaj Odbora za ekonomsku i razvojnu politiku, finansije i budžet obrazložio je Senahid Šaković koji je ispred Odbora predložio Domu naroda slijedeći

## **ZAKLJUČAK**

Zadužuje se Vlada Federacije Bosne i Hercegovine da analizira stanje u kantonima i pronade i ponudi rješenja za probleme kumuliranih deficita kantona, a da ta analiza posluži kao temelj za tematsku sjednicu Doma naroda Parlamenta Federacije Bosne i Hercegovine.

U raspravi su učestvovali: Predrag Kojović, Senahid Šaković, Sretko Radišić, predsjednica Kluba delegata srpskog naroda Mira Ljubijankić, Mirko Batinić, Zoran Jovanović, Ivo Tadić, Luka Faletar, Zijat Mušić, Josip Perić, Mustafa Kurtović, Esad Bašagić i Vesna Nemic-Klisura.

Potom je predsjedavajući dao pauzu kako bi se Vlada Federacije izjasnila o podnesenim amandmanima.

Nakon pauze federalni ministar finansija Ante Krajina je obrazložio stav Vlade Federacije o podnesenim amandmanima i izjavio da Vlada Federacije ne prihvata ni jedan od podnesenih amandmana.

Tomislav Mandić je odustao od podnesenih amandmana a ostali podnosioci amandmana su ostali pri svojim amandmanima pa je predsjedavajući pozvao delegate da se o njima izjasne.

Predsjedavajući je stavio na glasanje Amandman koji su zajednički podnijeli Mustafa Kurtović, Daliborka Milović i Vesna Nemic-Klisura. Obzirom da je sumnju u rezultate glasanja izjavila Vesna Nemic-Klisura, sekretar Doma naroda Izmir Hadžiavić je izvršio poimenično izjašnjanje. Na osnovu rezultata poimeničnog izjašnjanja predsjedavajući je konstatovao da Dom naroda Parlamenta Federacije

Bosne i Hercegovine nije prihvatio Amandman koji su zajednički podnijeli Mustafa Kurtović, Daliborka Milović i Vesna Nemeć-Klisura jer je za glasalo 19 delegata, sedam delegata je bilo protiv a 22 delegata su bila uzdržana.

Nakon toga delegati su se izjašnjavali o amandmanu Luke Faletara. Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine nije prihvatio Amandman Luke Faletara jer je za glasalo 14 delegata, tri delegata su bila protiv a 24 delegata su bila uzdržana.

Zatim se prešlo na izjašnjavanje o amandmanu Slobodana Tomića. Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine nije prihvatio Amandman Slobodana Tomića jer je za glasalo devet delegata, 13 delegata je bilo protiv a 17 delegata je bilo uzdržano.

Potom se Dom naroda izjasnio o amandmanu Mirka Batinića. Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine nije prihvatio Amandman Mirka Batinića jer je za glasalo 14 delegata, pet delegata je bilo protiv a 24 delegata su bila uzdržana.

Ivo Tadić je podnio 11 amandmana na Prijedlog Budžeta Federacije Bosne i Hercegovine za 2014. godinu, a tražio je izjašnjavanje samo o prvom te ga je predsjedavajući stavio na glasanje.

Obzirom da je izražena sumnja u rezultate glasanja sekretar Doma naroda je izvršio poimenično izjašnjavanje a na osnovu rezultata poimeničnog izjašnjavanja predsjedavajući je konstatovao da Dom naroda Parlamenta Federacije Bosne i Hercegovine nije prihvatio prvi amandman Ive Tadića jer je za glasalo 23 delegata, šest delegata je bilo protiv a 21 delegat je bio uzdržan.

Adnan Jupić je zatražio izjašnjavanje o sva tri podnesena amandmana na Prijedlog Budžeta Federacije Bosne i Hercegovine za 2014. Godinu.

Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine nije prihvatio prvi Amandman Adnana Jupića jer je za glasalo devet delegata, sedam delegata je bilo protiv a 26 delegata su bila uzdržana.

Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine nije prihvatio drugi Amandman Adnana Jupića jer je za glasalo 11 delegata, osam delegata je bilo protiv a 24 delegata su bila uzdržana.

Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine nije prihvatio treći Amandman Adnana

Jupića jer je za glasalo šest delegata, 10 delegata je bilo protiv a 24 delegata su bila uzdržana.

Nakon toga Dom naroda se izjasnio o amandmanu kojeg su zajednički podnijeli Adnan Jupić i Almedin Aliefendić.

Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine nije prihvatio Amandman Adnana Jupića i Almedina Aliefendića jer je za glasalo 13 delegata, 11 delegata je bilo protiv a 23 delegata su bila uzdržana.

Almedin Aliefendić je podnio 17 amandmana na na Prijedlog Budžeta Federacije Bosne i Hercegovine za 2014. godinu.

Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine nije prihvatio prvi amandman Almedina Aliefendića jer je za glasalo 11 delegata, sedam delegata je bilo protiv a 27 delegata su bilo uzdržano. Nakon toga Almedin Aliefendić je odustao od ostalih amandmana.

Potom se prešlo na izjašnjavanje o Prijedlogu Budžeta Federacije Bosne i Hercegovine za 2014. godinu sa Planom razvojnih projekata Federacije Bosne i Hercegovine za period 2014.-2016. Godina.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 30 glasova za, sedam glasova protiv i 12 uzdržanih glasova usvojio Prijedlog Budžeta Federacije Bosne i Hercegovine za 2014. godinu sa Planom razvojnih projekata Federacije Bosne i Hercegovine za period 2014.-2016. Godina.

Zatim su se delegati izjasnili o Zaključku Odmabora za ekonomsku i razvojnu politiku, finansije i budžet.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine jednoglasno sa 36 glasova za usvojio slijedeći

## **ZAKLJUČAK**

Zadužuje se Vlada Federacije Bosne i Hercegovine da analizira stanje u kantonima i pronade i ponudi rješenja za probleme kumuliranih deficita kantona, a da ta analiza posluži kao temelj za tematsku sjednicu Doma naroda Parlamenta Federacije Bosne i Hercegovine.

## **2. Prijedlog zakona o izvršavanju Budžeta Federacije Bosne i Hercegovine za 2014. godinu - hitni postupak**

Prijedog zakona utvrdila je Vlada Federacije.



Predstavnički dom je na 19. Vanrednoj sjednici od 5. decembra 2013. usvojio Prijedlog zakona o izvršavanju Budžeta Federacije Bosne i Hercegovine za 2014. godinu sa jednim amandmanom Vlade Federacije Bosne i Hercegovine, tri amandmana koja je Vlada Federacije Bosne i Hercegovine prihvatila na sjednici Predstavničkog doma, pa su postali sastavni dio Prijedloga zakona i jednim amandmanom kojeg je Predstavnički dom izglasao, a koji je Vlada Federacije prihvatila na sjednici Doma naroda, pa je postao sastavni dio Prijedloga zakona.

Amandmani glase:

### **Amandman Vlade Federacije BiH**

#### **Amandman I.**

U članku 41. u stavku 3. u točki b) na kraju teksta dodati tekst „uz suglasnost premijera.“.

#### **Amandmani koje je Vlada Federacije BiH prihvatila:**

##### **Amandman I.**

U Prijedlogu zakona o izvršavanju Budžeta Federacije Bosne i Hercegovine za 2014. godinu u članu 24. brisati stav 1.

##### **Amandman II.**

U članku 41. stavak 2. treba da glasi:

„Obavljanje platnih transakcija vrši se preko transakcijskih računa koji su sastavni dio JRT, a otvara ih Ministarstvo financija.“.

##### **Amandman III.**

U članku 11. u stavku. 5. Prijedloga zakona o izvršavanju Proračuna Federacije Bosne i Hercegovine za 2014. godinu broj:”150.000” zamjenjuje se brojem “75. 000” a u stavku 6. članka 11. broj “80.000” zamjenjuje se brojem “40.000”.

#### **Amandman kojeg je Predstavnički izglasovao, a koji je Vlada Federacije prihvatila na sjednici Doma naroda:**

##### **Amandman I.**

U članku 38. iza stavka 2. dodati novi stavak 3. koji glasi:

„Proračunski korisnici koji su akteri implementiranja SP GOP FBiH 2013.-2015. („Sl. novine FBiH“ broj 85/13) dužni su u programe utroška i izvješća o utrošenim sredstvima Proračuna iz čl. 27; 30; 32; 33; 34; 35; 36. i 37. sukladno odabranim proračunskim pozicijama za uvođenje gender odgovornog proračuna, uključiti načela gender odgovornog proračuna.“.

Dosadašnji stavak 3. postaje stavak 4., a dosadašnji stavak 4. postaje stavak 5.

Prijedlog zakona o izvršavanju Budžeta Federacije Bosne i Hercegovine za 2014. Godinu obrazložio je Ante Krajina, federalni ministar finansija.

U raspravi nije niko učestvovao.

Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine nije usvojio Prijedlog zakona o izvršavanju Budžeta Federacije Bosne i Hercegovine za 2014. Godinu jer je za glasalo 29 delegata, tri delegata su bila protiv a sedam delegata je bilo uzdržano.

Sumnju u rezultate glasanja su izrazili Aner Žuljević i Mira Ljubijankić te je sekretar Doma naroda Izmir Hadžić izvršio poimenično izjašnjenje.

Na osnovu rezultata poimeničnog izjašnjenja predsjedavajući je konstatovao da je Dom naroda Parlamenta Federacije Bosne i Hercegovine sa 38 glasova za, jednim glasom protiv i 11 uzdržanih glasova usvojio Prijedlog zakona o izvršavanju Budžeta Federacije Bosne i Hercegovine za 2014. Godinu.

- 3. a) Prijedlog finansijskog plana Federalnog zavoda za zapošljavanje za 2014. godinu i procjena plana za 2015. i 2016. godinu - hitni postupak,**  
**b) Prijedlog finansijskog plana Federalnog zavoda za penzijsko i invalidsko osiguranje za 2014. godinu - hitni postupak,**  
**c) Prijedlog finansijskog plana Zavoda zdravstvenog osiguranja i reosiguranja Federacije Bosne i Hercegovine za 2014. godinu (konsolidovani) - hitni postupak**

- a) Prijedlog finansijskog plana Federalnog zavoda za zapošljavanje za 2014. godinu i procjena plana za 2015. i 2016. godinu - hitni postupak**

Prijedlog finansijskog plana dostavila je Vlada Federacije.

Predstavnički dom je na 19. Vanrednoj sjednici od 5. decembra 2013. usvojio Prijedlog finansijskog plana Federalnog zavoda za zapošljavanje za 2014. godinu i procjena plana za 2015. i 2016. Godinu.

Prijedlog finansijskog plana obrazložio je Kenan Rešo, direktor Federalnog zavoda za zapošljavanje.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 41 glasom za i jednim uzdržanim glasom usvojio Prijedlog finansijskog plana Federalnog zavoda za zapošljavanje za 2014. godinu i procjena plana za 2015. i 2016. Godinu.

**b) Prijedlog finansijskog plana Federalnog zavoda za penzijsko i invalidsko osiguranje za 2014. godinu - hitni postupak,**

Prijedlog finansijskog plana dostavila je Vlada Federacije.

Predstavnički dom je na 19. Vanrednoj sjednici od 5. decembra 2013. usvojio Prijedlog finansijskog plana Federalnog zavoda za penzijsko i invalidsko osiguranje za 2014. godinu.

Delegati Doma naroda su se složili da nema potrebe za obrazlaganjem ove tačke.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 39 glasova za i sedam uzdržanih glasova usvojio Prijedlog finansijskog plana Federalnog zavoda za penzijsko i invalidsko osiguranje za 2014. godinu.

**c) Prijedlog finansijskog plana Zavoda zdravstvenog osiguranja i reosiguranja Federacije Bosne i Hercegovine za 2014. godinu (konsolidovani) - hitni postupak**

Prijedlog finansijskog plana dostavila je Vlada Federacije.

Predstavnički dom je na 19. Vanrednoj sjednici od 5. decembra 2013. usvojio Prijedlog finansijskog plana Zavoda zdravstvenog osiguranja i reosiguranja Federacije Bosne i Hercegovine za 2014. godinu (konsolidovani).

Delegati Doma naroda su se složili da nema potrebe za obrazlaganjem ove tačke.

U raspravi su učestvovali: Josip Perić i Jasna Hasić, zamjenica direktora Zavoda zdravstvenog osiguranja i reosiguranja Federacije Bosne i Hercegovine .

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 40 glasova za, dva glasa protiv i šest uzdržanih glasova usvojio Prijedlog finansijskog plana Zavoda zdravstvenog osiguranja i reosiguranja Federacije Bosne i Hercegovine za 2014. godinu (konsolidovani).

**4. Izjašnjavanje o Prijedlogu zakona o budžetima u Federaciji Bosne i Hercegovine**

Predsjedavajući je podsjetio delegate da je Predstavnički dom na nastavku 23. sjednice od 30. oktobra 2013. usvojio Prijedlog zakona o budžetima u Federaciji Bosne i Hercegovine sa jednim amandmanom Vlade Federacije koji je postao sastavni dio Prijedloga zakona. Amandman se odnosi na član 46.

Dom naroda je na 18. Vanrednoj sjednici od 22. Novembra 2013. Godine zaključio raspravu o Prijedlogu zakona o budžetima u Federaciji Bosne i Hercegovine i odlučio da izjašnjenje obavi nakon razmatranja Budžeta Federacije BiH za 2014. Godinu.

Potom je predsjedavajući stavio na glasanje Prijedlog zakona o budžetima u Federaciji Bosne i Hercegovine.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 34 glasa za, dva glasa protiv i devet uzdržanih glasova usvojio Prijedlog zakona o budžetima u Federaciji Bosne i Hercegovine.

Predsjedavajući je podsjetio delegate da je 19. Redovna sjednica Doma naroda zakazana za 16.12.2013. godine u 11. sati.

Sjednica je završena u 15:47.

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAJUĆI

Radoje Vidović